

w. 935-5-72
Marnadau bag

“Coffadwriaeth y cyfiawn sydd fendigedig.”

MARWNAD ER GALARUS GOF

AM Y

PARCH. MORGAN HOWELLS,

GYNT O'R

CAS NEWYDD-AR-WYSG,

OND YN DDIWEDDAR O

DREDEGAR,

*Yr hwna fu farw ar foreu dydd Sabboth, Mawrth 21ain, 1852.
ar ol bod yn Weinidog ffyddlon a pharchus gyda'r Methodist-
iaid Calfnaidd am hir flwyddau, ac a fawr berchid gan bob
enwad trwy ddeau a gogledd.*



LLANIDLOES & RHAYADER:

CYHOEDDEDIG AC AR WERTH (GAN JOHN PRYSE, BOOK-
SELLER, &c, &c.)

X705370651

MARWNAD.

1

Newydd marw glywaf beunydd ar hyd ein gwledydd, gwn yn glir;
Mae angeu creulon, trist mynegu, wedi tori i mewn i'n tir!
Anelodd un o wylwyr seion, oedd benaf gwron yn y gair,
Hwn fu trwy Gymru yn dwys bregethu, ac yn moli Baban Mair.

2

Clywaf lu â'u dwys ochenaid, yn dweyd â'u llygaid heddyw'n lli,
Ein Morgan Howells enwog anwyl, a gadwai noswyl gyda ni;
Darfu ei daith, a'i waith orphenodd, yn gwyllo'r mur nis gwelir mwy,
Hedodd adref at ei Briod, i seinio ei glod am farwol glwy'.

3

Un enwog oedd o deulu Seion, am dano yn ffyddlon bydd coffad,
Mor ddiwyd safodd at ei broffes, gwnaeth ddirfawr les o fewn i'w wlad
Llundain, Lerpw', Bristol, Amwythig, sy'n galaru'u colled mawr,
A Thredegar a'r Casnewydd—eu henwog lywydd aeth i lawr!

4

Fe oedd un o'r gweision penaf fu yn y Bala, trwy fawr boen;
Mewn lludded corff, er hyny yn rhyfedd datguddiai rinwedd gwaed yr Oen;
Ar ddydd Sasiwn fe draddodai am frwydr fawr Calfaria a fu,
Pan hoeliwyd Iesu Grist rhwng lladron, nes byddai llefain mawr trwy'r llu.

5

Yr oedd ei leis fel udgorn arian, gosodai allan ewyllys Duw;
Danghosai rym y codwm erchyll, a Meddyg rhad i ddynolryw;

Arweiniai ddyn o fynydd Seina, o ganol mellt a'r taranau trist,
I ben Calfaria, man dymunol—at aberth grasol Iesu Grist.

Bu megys lamp mewn ogof dywell, fe weithiai'n ddidwyll yn ei ddydd,
Yn argyhoeddi annuwiolion, fe barai'n ffyddlon yn y ffydd;
Troes lu o gablwyr yn weddiwyr, tua gweithiau Merthyr a phob man,
Ac adeiladodd lawer eglwys a welwyd gynt yn llesg a gwan.

Bu Morgan Howells tros y Cymry yn ymdrechu am hir dro,
At glirio'r capel yn Ngbasnewydd, ymdeithiai'n brudd trwy lawer bro;
Fe ga'dd dŷ cwrdd y Cymry gwiwglod yn rhydd o'r ddyled hynod hon:
Pe cymerasid hwn gan Seison, hyn wnaethai'n bruddion lawer bron.

Bu Morgan Howells yn weinidog mwyn a serchog yn ei sir,
Holl Fethodistiaid trwy sir Fynwy, a gofiant hyny amser hir;
Trwy sir Forganwg a Brycheiniog, wrth gofio am yr enwog ŵr,
A sir Gaerfyrddin, gwn yn ddiau, yr wylant ddaagrau heiltion ddŵr.

Trwy Aberystwyth a Llangeitho, byd l miloedd yn ei gofio'n gu,
Yn mhob Sasiwn wrth ei glywed, y byddai llefain mysg y llu;
'Roedd yn rymus ei bregethiad, tan arddeliad y gwir Dduw;
Mawr elyn oedd i deyrnas satan—ymdrechai ei raa tros ddynolryw.

Eglwysi'r gogledd aeth yn sydyn yn awr yn drist ar hyn o dro,
Mae hoff drigolion Mon ac Arfon, yn awr yn bruddion yn eu bro;
A thrwy sir Ddinbych, Fflint, a Meirion, a Threfaldwyn dirion daeth,
Rol colli Morgan Howells mawrglod, ryw ddirfa wr syndod megys saeth.

11

Ymladdai gyda chledd yr Ysbryd, gan bara'n ddiwyd yn ei ddydd,
 Tra parai ei oes dangosai ddyinion waed Crist yn ffynon cywir ffydd;
 Er bod cawri uffern obry arno yn gwgu lawer gwaith,
 Ymdrechu wnaeth tros deyrnas Iesu, nes diweddu pen ei daith.

12

Pedwerydd ddydd ar ddeg pregethodd o Fawrth, nes ydoedd pawb yn syn
 Am berson Crist, mae llu a dystiant, a gwerthfawr f faint Calfaria fryn:
 A'r geiriau olaf ganddo a glywsant, mae llu a gofiant tra b'out byw,
 Fod arno chwant o'i babell briddlyd, i gael ei ddattod at ei Dduw.

13

Ni chafodd ef ond byr o gystudd, ar ei ol mawr sobrwydd sydd,
 Ond iddo ef y troes glyn angeu, yn hyfryd dirion oleu ddydd;
 Yn mhen yr wythnos i'r un diwrnod, fe aeth o fyd y trallod trist,
 Trwy afon angeu, 'r gelyn ingol, yn nghwmni grasol Iesu Grist.

14

Aeth o wlad drygydd adre i drigfan y nefol hyfryd Ganaan gu,
 At Charles Llangan, a Charles o'r Bala, i foli am f faint Calfaria fry;
 At John Elias, Lloyd Beaumaris, a Meistr Evans o'r New Inn,
 A lluoedd llon o weision Iesu, hawdd fyddai enwi mwy na hyn.

15

Er rhoddi i orphwys yn y grafel, mae Morgan Howells mewn gwir hedd,
 Ei enaid sydd mewn nefol gwmni, a'i gorff gaiff bydrn yn y bedd:
 Yr Arglwydd a bar'to yn swan ryw un o' Tail i'w winllan E',
 Eliseus i wisgo yn addas hen fantell Elias yn ei le.

WILLIAM MORRIS, *Athraw Ysgol Sabbothol Rymni.*